

Circular Promoción e Menores- 02/11/2020

Bases da convocatoria de axudas a Escolas de Tríatlon e Péntatlon Moderno 2020/2021

1 – Finalidade

A Federación Galega de Tríatlon e Péntatlon Moderno (FEGATRI de agora en diante) establece as bases para a convocatoria de axudas para Escolas Deportivas.

Estas bases teñen por obxecto regular as axudas ás Escolas de Tríatlon e Péntatlon Moderno, aos diferentes clubs con licenza FEGATRI, para o fomento e promoción do tríatlon e do péntatlon nas categorías base, na tempada deportiva 2020/2021.

Enténdense por categorías base aquelas categorías de idade comprendidas entre pre- benxamín e cadete, ambas incluídas.

2 – Modalidades

Establécense dúas modalidades para esta convocatoria:

- **Modalidade A:** destinada a Escolas xa existentes nas tempadas anteriores á de aplicación desta convocatoria.
- **Modalidade B:** destinada a Escolas de nova creación na tempada de aplicación desta convocatoria.

3 – Entidades solicitantes e requisitos mínimos

As entidades deportivas solicitantes deberán cumprir os seguintes **requisitos xerais**:

- Pertencer a un club con licenza FEGATRI.
- Non ter débedas coa FEGATRI na data de solicitude da axuda.
- Ter asinado o compromiso do protocolo COVID19 (Anexo III)

Requisitos específicos modalidade A:

- Ter, cando menos, un adestrador ou adestradora con licenza de técnico en vigor coa FEGATRI na data de presentación de solicitudes.
- Compromiso asinado, segundo o modelo do Anexo IV, de manter cando menos un adestrador ou adestradora con licencia de técnico coa FEGATRI durante a tempada de aplicación desta convocatoria.
- Ter un mínimo de 15 licenzas de categorías de base na data de presentación de solicitudes.
- Ter participado con algún ou algunha deportista en probas de menores da FEGATRI no ano 2020.

Requisitos específicos modalidade B:

- Compromiso asinado, segundo o modelo do Anexo IV, de ter cando menos un adestrador ou adestradora, con licenza de técnico coa FEGATRI, durante a tempada de aplicación desta convocatoria.
- Compromiso asinado, segundo o modelo do Anexo IV, de contar cun mínimo de 8 licenzas de menores e de ter un mínimo de 8 participacións en probas de menores da FEGATRI durante a tempada de aplicación desta convocatoria.

Os requisitos relacionados coa FEGATRI (número de licenzas, técnicos, probas, etc.) serán verificados por esta na súa base de datos sen necesidade de que as entidades solicitantes aporten documentación extra.

4 – Condicións e contía das axudas

O orzamento económico total aprobado pola FEGATRI, para as axudas a Escolas Deportivas 2020/2021, é dun total de **7.200** euros. Esta cantidade repartirase nas dúas modalidades da seguinte forma:

- a) 6000 euros para a modalidade A.
- b) 1200 euros para a modalidade B.

A concesión das axudas tramitarase en réxime de concorrencia competitiva para a modalidade A, establecendo unha relación entre as solicitudes presentadas, en tempo e forma, de acordo cos criterios de valoración do punto 5 destas bases, e co límite orzamentario establecido.

Para a modalidade B, as axudas concederanse a todas aquelas solicitudes que verifiquen os requisitos mínimos do punto 3 de estas bases, e sexan presentadas en tempo e forma, repartindo por igual o orzamento dispoñible, ata un máximo de 400 euros por escola.

De concederse menos de 3 axudas na modalidade B, o orzamento sobranste destinado para a modalidade B redistribuirase no reparto correspondente para a modalidade A.

A axuda concederase preferentemente en forma de material deportivo relacionado coas disciplinas do noso deporte, a través de convenio asinado entre a FEGATRI e a Escola receptora. A FEGATRI verificará que o material solicitado encaixa nas necesidades deportivas do triátlon.

5 – Criterios de valoración

Para establecer a prelación nas axudas concedidas na modalidade A, valoraranse os seguintes conceptos:

- número de licencias da escola: ata 10 puntos
- porcentaxe de licencias de categoría feminina respecto do total da escola: ata 5 puntos
- número de participacións en probas de menores organizadas pola FEGATRI: ata 5 puntos

- participación en campionato de España de menores da FETRI/FEPM: 3 puntos
- número de probas de menores presentadas ao calendario Fegatri (non realizadas por covid19): ata 2 puntos
- número de probas de menores organizadas: ata 3 puntos
- número de licencias FEGATRI de técnico: ata 3 puntos
- número de licencias FEGATRI de técnico con retribución económica por parte da escola: ata 3 puntos
- número de deportistas menores con licenza de paratriátlon: ata 3 puntos

En cada un dos criterios a valorar, a puntuación máxima asignarase á solicitude que presente o máximo valor nese concepto, e o resto de puntuacións para ese concepto asignarase de forma proporcional. A puntuación final será a suma das puntuacións obtidas por cada escola en cada un dos criterios.

A efectos de contabilización, entenderase participación nunha proba, tanto autonómica coma nacional, sempre e cando un triatleta tome a saída na mesma.

6 – Solicitudes e prazo de presentación

As solicitudes serán dirixidas á FEGATRI a través do seu correo electrónico info@fegatri.org nun prazo de 10 días dende a súa publicación.

7 – Documentación

Os solicitantes deberán presentar a seguinte documentación:

- Solicitude de axuda debidamente cumprimentada e asinada según o Anexo I (solicitude).
- Relacións de técnicos da entidade solicitante, según o Anexo II (Só Modalidade A).
- Certificados negativos do Registro Central de Delincuentes Sexuales, expedidos pola administración competente (www.mjusticia.gob.es), de todos os técnicos con licenza FEGATRI da entidade solicitante que manteñan contacto con menores.
- Declaración responsable da entidade beneficiaria de que todos os seus deportistas e adestradores asinan os compromisos de cumprimento do protocolo federativo COVID19 de responsabilidade individual.
- Declaración responsable da entidade beneficiaria de estar ao corrente no cumprimento das obrigas tributarias e fronte á Seguridad Social, según o Anexo III.
- Compromiso asinado segundo o modelo do Anexo IV (Modalidade A: técnicos; Modalidade B: licencias, técnicos e participación en probas).
- Documentación acreditativa ou xustificante da relación laboral entre os técnicos aportados e a escola (Só Modalidade A).
- Outra documentación que considere de interese.

8- Comisión de Valoración e Resolución das solicitudes

Finalizado o prazo de recepción de solicitudes, a FEGATRI establecerá unha comisión técnica avaliadora que publicará primeiramente unha lista provisional de solicitudes admitidas e non admitidas a trámite, especificando as posibles causas de exclusións, se as houbera, establecendo un prazo de 5 días hábiles para que os solicitantes excluídos aporten documentación ou fagan as alegacións que consideren oportunas. Nese mesmo prazo, a FEGATRI poderá ademais requirir ás escolas a documentación que estime oportuna para verificar calquera dos méritos alegados.

A resolución final das solicitudes de axudas concedidas, xunto coa súa contía, será publicada á maior brevidade posible, será comunicada a todos os clubs por correo electrónico e publicada na páxina web da FEGATRI.

Porén, as axudas concedidas serán executadas soamente no momento que se verifique o cumprimento de todos os requisitos citados no punto 3.

PROMOCIÓN E MENORES FEGATRI